

*Nomen, à quibus
& cur inditum.*

Situs.

Cœli temperies.

Soli fertilitas.

*Animalium
varietas.*

AFRICÆ in meâ Partitione succedit *Asia*. Ea nomen sortita ab Asiâ Nymphâ (teste Varrone) ex qua & Iapeto trahitur Prometheus. Alij dicunt appellatam vel ab Asio Aryis filio, vel ab Asio Philosopho, qui Troi Palladium ad urbis custodiam dedit: hunc ut gratiam referret, ditionem suam omnem quæ antea Epirus dicebatur, Asiam vocasse. Ab hac autem postea tanquam nobiliori parte reliquus omnis tractus, Asia dici cœpit. Porro ut Libya & tertiam Orbis portionem significat, & eius portionis partem: ita & Asiam observatum est significare & totam continentem: & partem illam quæ intra Taurum Montem est: in qua Lydi, Carès, Lycaones, Paphlagones, Iones, Æoles, alijque; quæ pars distinctionis gratiâ vulgò Asia Minor: Turcis *Natolia* dicitur. Varro lib. 4. de L. *Nam & Asia quæ non Europa, in qua est Syria: & Asia citur prioris pars Asia, in qua est Ionia & provincia nostra.* Asia autem universa *Semia* Sacris scriptoribus nuncupatur. Sita est propemodum tota in Septentrionali Orbis plaga ab Æquatore usque ad grad. 80. latitudinis Boreæ, exceptis tamen Insulis ad Asiam pertinentibus, quarum aliquot ultra Æquatorem porriguntur. Vnde maxima diversitas per totam Asiam in magnitudine dierum artificialium conspicitur. Nam in ultimo eius Parallelo, qui non longe ab Æquinoctiali per extremam Malacæ Regni oram ducitur, longissimus dies est horarum pene 12. Circa medium Asiæ parallelum est horarum 15. & in eius Borealissimo Parallelo perpetua lux æstatis quatuor fere integris mensibus perdurat. At secundum latitudinem protenditur à Meridiano grad. 52. usque ad Meridianum ductum per grad. 196. secundum nonnullos: sed si Mercatoris nostri descriptionem sequamur, Occidentalis eius Meridianus per grad. 57. trāsit, juxta extremā Asiæ Minoris occidentālē Orā: & Orientalissimus per grad. 178. Ad Septentrionem habet Mare Scythium, à Meridie Indicum, ab Ortu Eoium, ab Occidente Sinum Arabicum sive Mare Rubrum, & Mediterraneum, & Euxinum. Et ut superiore parte cōtinua est Europæ, ita in parte Australi Isthmo Africæ conjungitur. Plinius tamen & Strabō, alijque nonnulli Asiam ad Nilū usque protendunt, totamque Ægyptum Asiæ adnumerant. In Asia Cœli admodum jucunda salubrisq; temperies, Aër clementissimus ac mirè temperatus. Non tamen omnis Asia hanc Cœli modérationem sentit: nam eius dextra atque sinistra, teste Mario, calore ac frigore iniqua ac intolerabilia sūt. Deliciæ huius regionis tantæ sūt, ut etiam in proverbium cesserint. Terra omnis & ubertate agrorum, & varietate fructuum, & magnitudine passionis, & multitudine earum rerum quæ exportantur, ita nobilis, ut facile omnibus terris antecellat. Spectanda hinc Fructuum, Aromatum, Metallorum, Gemmarum copia. Hinc Balsamum, Calamum, Thus, Myrrham, Cassiam, Cinnamomum, Cariophyllum, Piper, Crocum, Ligna odorifera, Resinam, Muschum, Margaritasque omnis generis accipimus. Spectanda hinc Animalium diversorū varietas. Alit enim innumeros Elephantes, Camelos, & alia complura Animalia tum domestica, tum sylvestria. Spectanda ingenia, divitiæ, potentia Incolarum. Hinc primū Homo à Deo conditus: hinc prima Ecclesiæ Dei Sedes: hinc primū Artes inventæ: hinc Lex lata; Hinc Evangelij doctrina miseris mortalibus cum spe beatitudinis concessa per Dei filium Iesum Christum. Hinc linguarum varietas à Deo Mortalium generi immissa, in exstructione Turris Babel. Hinc primū in inferiores potentiorum Imperium ortum est. Hinc *Nimrod* regnare cœpit: de quo in Genesi legimus.

Totius